

հայկական գործերի մասին, նոյնպէս եւ նորին կայսերական բարձրութեան պատասխանագրութեան: Կատարելագէտ բաժանում եմ այդ երկու վաւերագրերի մէջ արտայայտուած տեսակէտները Թիւրքիայից զբաւուած հայկական նահանգները ապագայ կազմակերպութեան մասին»:

Այսպիսով, հայկական նահանգների ապագայ կազմակերպութեան խնդիրը անցաւ կայսերական կառավարութեան բոլոր կարեւոր հիմնարկութիւններից: Միջազգային համաձայնութեամբ գրեթէ ամբողջ Թիւրքահայաստանը զբաւուեց Ռուսաստանից, որը որոշեց դարձնել նրան իր անբաժան մասերը, որպիսին էր, օրինակ, մի Սարատովի կամ Վոլոգդայի նահանգ: Հայաստանը, որպէս ազգային-քաղաքական միաւոր, Ռուսաստանի համար դոյութիւն չունէր:

Հարիւր տարի առաջ, խաբելով հայերին, Նիկիտայ Ա.-ի Ռուսաստանը բռնագրաւեց Արարատեան Հայաստանը: Հարիւր տարի յետոյ, Նիկիտայ Բ.-ի Ռուսաստանը, նոյնպէս խաբելով հայերին՝ պատրաստուեւ էր բռնագրաւել Բարձր Հայքը, Տարօնն ու Վասպուրականը:

Սակայն, շարժքը աւելի շուտ եկաւ, քան ուրբաթը. ցարական բռնապետութիւնը խորտակուեց եւ նրա գահի փլատակների տակից «հազար սղգաց ազատութիւն ծագեցաւ»:

Բոլորովին այլ ընթացք ստացաւ եւ հայ ժողովրդի ճակատագիրը...

* * *

Մենք օգտագործեցինք «Ասիական Թիւրքիայի բաժանումը» գրքի նիւթերի մի մասը միայն, ա՛յն, որ վերաբերուեւ է հայերին:

Գիրքը հարուստ է ուրիշ վերին աստիճանի հետաքրքրական նիւթերով, օրինակ, արաբական ապստամբութեան կազմակերպումը, բանակցութիւնները Պոլսի եւ Նեղուցների համար, Իտալիայի պատերազմին մասնակցելու պարադաները, ձեւալ փաշայի հետ ծրագրութեւ անձատ հաշտութեան բանակցութիւնների մանրամասնութիւնները եւ այլն: Այդ հարցերից իւրաքանչիւրը լուսարանուած է բազմաթիւ վաւերագրերով եւ ունի պատմական առաջնակարգ արժէք:

Մեզ համար այստեղ առանձին հետաքրքրութիւն են ներկայացնում այն վաւերագրերը, որոնք պատկերացնում են ռուսական քաղաքականութեան մի ուրոյն արտայայտութիւնը, որը, առաջին հայեացքով, թւում է հակասական, բայց որը, իրապէս, օրգանական շարունակութիւնն է Պետրոս Մեծի ընդգծած ուղիի: Այս հարցով էլ կը փակենք ներկայ յօդուածը:

Պօսքը Ռուսաստանի վերաբերումի մասին է դէպի Թիւրքիան:

Ռուսական տէրութիւնը դարեր շարունակ հարուածել է Օսմանեան կայսրութեան, ձրդտել է կոտրել սուլթանական զօրութեան ոյժը: Բայց ահա հասնում է մի վայրկեան, երբ Թիւրքիան ռուսների համար դառնում է պաշտպանութեան առարկայ. ռուս զիւանազիտութիւնը մտահոգուած է Թիւրքիայի ամբողջութիւնը ապահովելու խնդրով:

Նեղուցներին եւ Հայկական Բարձրաւանդակին տէր դառնալուց յետոյ՝ Ռուսաստանն այլեւս հաշիւ չունի Թիւրքիայի հետ: Ընդհակասակը, Թիւրքը նրա համար դառնում է անհրաժեշտ գործօն իր սահմանների պաշտպանութեան՝ ընդդէմ Անգլիայի ու Ֆրանսայի: Այս հոգի վրայ սկսում է ընդնշմարտել ռուս Թիւրքական բարեկամութիւնը, որը, քիչ յետոյ, բուլշեւիկների օրով, երեւան պէտք է գար այնպէ՛ս տիրական ուժգնութեամբ:

Այս տրամադրութիւնը տեսնում ենք ռուս-Ֆրանս-անգլիւ իտալական բանակցութիւնների ժամանակ՝ Թիւրքական ժառանգութեան մասին, 1916 թուին:

Իտալիան յամառ կերպով պահանջում է Իգժիբը, ամբողջ Ատալիան Գոնիայով միասին, Կիլիկիան Մերսինով հանդերձ: Ֆրանսան նոյնքան յամառութեամբ հակառակում է Կիլիկիայից սրեւէ կտոր Իտալիային տալու մըտքին: Ռուսաստանը պաշտպան է կանգնում Թիւրքական շահերի:

Արտաքին գործոց նախարարի պաշտօնատար Ա. Ներսատովը 1916 թ. 12-25 Նոյեմբ. հեռագրում է Փարիզի եւ Լոնտոնի գեսպաններին.

«Նս յայտնեցի իտալական գեսպանին իմ անձնական կարծիքը, որ մենք կը նկատենք